



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP–1/21-3-40-534-4/22**
Datum: **26.12.2022. godine**

«Agencija za vodno područje rijeke Save» Sarajevo rješavajući po zahtjevu pravnog lica, Tehnološki centar «E&P» d.o.o. Zavidovići za donošenje rješenja o vodnoj dozvoli za ispuštanje tehnoloških otpadnih voda u prirodni recipijent i za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku izvođenja radova na eksploataciji i preradi kamena dijabaza na lokalitetu površinskog kopa «Papratnica» Mala Ribnica, grad Zavidovići na osnovu člana 109. stav (1) tačka 2. i stav (2) tačka 1. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi

R J E Š E N J E **o vodnoj dozvoli**

1. Daje se vodna dozvola pravnom licu Tehnološki centar «E&P» d.o.o. Zavidovići za ispuštanje tehnoloških otpadnih voda u prirodni recipijent i za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku izvođenja radova na eksploataciji i preradi kamena dijabaza na lokalitetu površinskog kopa «Papratnica» Mala Ribnica, grad Zavidovići.
2. Vodna dozvola se daje na osnovu dostavljene dokumentacije, utvrđenog činjeničnog stanja i uz sljedeće uslove:
 - 2.1. Da se upotreba i korištenje predmetnog objekta – površinski kop «Papratnica» Mala Ribnica, vrši u skladu sa njegovom prirodom i namjenom te u skladu sa dostavljenom dokumentacijom i uslovima iz ove vodne dozvole.
 - 2.2. Da se, za vrijeme trajanja ove dozvole, obezbijedi da se onečišćene otpadne vode nastale obaranjem prašine zajedno sa oborinskim zamuljenim vodama sa prostora površinskog kopa «Papratnica» nesmetano prikupljaju sistemom zemljanih obodnih kanala sa ispustom u recipijent – rijeka Mala Ribnica.
 - 2.3. Da se poduzmu sve potrebne mjere kojima bi se obezbijedilo da prikupljene otpadne vode, prije ispuštanja u krajnji recipijent – Mala Ribnica, ostanu u maksimalno dopuštenim granicama definisanim u Prilogu 27. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20 i 96/20).
 - 2.4. Da se zemljani obodni kanali koji se koriste u svrhu prikupljanja i odvodnje onečišćenih voda sa prostora površinskog kopa, redovno održavaju i koriste na takav način koji će obezbijedi njihovu potpunu ispravnost i funkcionalnost. O načinu i vremenu radova čišćenja i održavanja kanala neophodno je voditi službeni evidenciju i arhivu.
 - 2.5. Da se redovno vrši skupljanje čvrstog opasnog i neopasnog otpada sa kompletnog platoa površinskog kopa, isti propisno skladišti do njegovog konačnog zbrinjavanja od strane ovlaštene organizacije.
 - 2.6. Da se obezbijedi siguran način skladištenja ulja, maziva i eksploziva u natkrivenoj, namjenski izgrađenoj prostoriji sa podnom pločom izvedenom od vodonepropusnog betona otpornog na dejstva hemikalija.
 - 2.7. Da se u skladu sa propisima iz oblasti zaštite okoliša vrši bezbjedno skladištenje i postupanje sa opasnim i štetnim materijama (eksplozivna sredstva i sl.) nastalim na predmetnom lokalitetu te adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode.
 - 2.8. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring na mjernom mjestu u skladu sa Uredbom o uslovima ispuštanja otpadnih voda u okoliš i sisteme javne kanalizacije. Učestalost i način ispitivanja vršiti u skladu sa članom 20. Uredbe o uslovima ispuštanja otpadnih voda u okoliš i sisteme javne kanalizacije. Rezultate analiza dostaviti ovoj Agenciji.

Izveštaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10, 14/3, 26/14, 15/17, 23/17 i 41/20).

- 2.9. Opasni materijal i drugi otpad nastao u postupku eksploatacije kamena dijabaza na predmetnom površinskom kopu, ne smiju se ni privremeno odlagati na česticu «vodno dobro» odnosno u vodotok i na njegove obale.
3. Vlasnik, odnosno korisnik objekta je obavezan voditi propisane evidencije te nadležnim organima dostavljati propisane obrasce (Obrazac EBS) u skladu sa Zakonom o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16), Prilog 1. Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
 4. U periodu važenja ove dozvole, Korisnik je dužan provoditi sve mjere i aktivnosti propisane istom.
 5. U slučaju izvanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, korisnik objekta obavezan je izvijestiti nadležne organe i izvršiti izvanredna postupanja po nalogu nadležnih organa, te o vlastitom trošku uzroke štete otkloniti, a nastale štete nadoknaditi.
 6. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima i radnom prostoru predmetnog površinskog kopa obuhvaćenog ovom vodnom dozvolom, korisnik zaštitnih vodnih objekata nije odgovoran za nastale štete.
 7. Ukoliko radom predmetnog objekta dođe do šteta ma kakvog karaktera, korisnik vodne dozvole je dužan uzroke nastalih šteta otkloniti, a nastale štete trećim licima nadoknaditi.
 8. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
 9. U ovoj upravnoj stvari plaćene su sve upravne pristojbe.
 10. Ova vodna dozvola, shodno članovima 117. stav (1) i 129. Zakona o vodama se daje sa rokom važenja od 5 (pet) godina od dana pravosnažnosti ovog rješenja.
 11. Prije isteka važnosti ove dozvole Korisnik je dužan da podnese zahtjev za izdavanje nove vodne dozvole.
 12. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

Obrazloženje

Pravno lice, Tehnološki centar «E&P» d.o.o. Zavidovići, obratilo se ovoj Agenciji dana 05.10.2022. godine sa zahtjevom za izdavanje vodne dozvole za ispuštanje tehnoloških otpadnih voda u prirodni recipijent i za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku izvođenja radova na eksploataciji i preradi kamena dijabaza na lokalitetu površinskog kopa «Papratnica» Mala Ribnica, grad Zavidovići čije su granice eksploatacionog polja odobrene Rješenjem Federalnog ministarstva energije, rudarstva i industrije. U provedenom postupku dostavljena je i pregledana sljedeća dokumentacija:

- Ovjerena kopija Aktuelnog izvoda iz sudskog registra broj: 043-0-RegZ-22-002242 izdatog dana 17.08.2022. godine izdatog od strane Općinskog suda u Zenici,
- Ovjerena kopija Uvjerenja o poreznoj registraciji izdatog dana 12.03.2010. godine od strane Porezne uprave – Kantonalni ured Zenica,
- Kopija Rješenja o vodnoj dozvoli broj: UP-I/25-3-40-553-4/17 izdatog dana 06.11.2017. godine od strane «Agencije za vodno područje rijeke Save» Sarajevo,
- Kopija Ugovora o koncesiji br KC 18/2006 broj: 04-18-9180/06 potpisan dana 26.04.2006. godine sa Ministarstvom za privredu Zeničko-dobojskog kantona,
- Kopije Anex-a 1 Ugovora zaključenog dana 23.06.2006. godine i Anex-a 2 Ugovora zaključenog dana 01.08.2006. godine sa sa Ministarstvom za privredu Zeničko-dobojskog kantona,

- Kopija Rješenja o odobrenju izvođenja registrovanih djelatnosti u oblasti rudarstva broj: 04-18-4216-5/08 izdatog dana 17.09.2008. godine od strane Ministarstva za privredu Zeničko-dobojskog kantona,
- Kopija Rješenja o okolinskoj dozvoli broj: 12-23-8505/19 izdatog dana 18.03.2020. godine od strane Ministarstva za prostorno uređenje, promet i komunikacije i zaštitu okoline Zeničko-dobojskog kantona,
- Opći akt o održavanju, korištenju, promatranju i postupanju u slučaju kvara ili havarije na vodnim objektima PK «Papratnica», septembar 2022. godine,
- Glavni projekat za izdavanje vodne saglasnosti za kamenolom PK «Papratnica» Mala Ribnica, općina Zavidovići urađen od strane «IBIS» d.o.o. Zavidovići, maj 2012. godine (na uvid),
- Tehnički elaborat o ispuštanju tehnoloških otpadnih voda sa kamenoloma PK «Papratnica» Mala Ribnica, općina Zavidovići, novembar 2012. godine (na uvid),
- Kopija Izvještaja o monitoringu kvaliteta i kvantiteta otpadnih voda broj: 7-271-2463/22, maj 2022. godine urađen od strane «TQM» d.o.o. Lukavac,
- Projekat izvedenog stanja vanjskih hidroinstalacija PK Papratnica na lokalitetu Mala Ribnica, grad Zavidovići urađen od strane «TQM» d.o.o. Lukavac (reg broj: 10-96/22, septembar 2022. godine) - na uvid,
- Kopija Ugovora o preuzimanju, skladištenju i zbrinjavanju opasnog otpada zaključenog u augustu 2022. godine sa «KEMOKOP» d.o.o. Tuzla,
- Kopija uplatnice upravne takse.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U cilju utvrđivanja činjenica vezanih za ispunjenje uslova u smislu izvršavanja obaveza propisanih tačkom 3. iz starog Rješenja o vodnoj dozvoli (broj: UP-I/25-3-40-553-4/17 od 06.11.2017. godine) zatraženo je očitovanje Službe za prikupljanje prihoda od vodnih naknada ove Agencije po pitanju izmirivanja obaveza uplate posebnih vodnih naknada, tj. eventualnom dugu i visini duga podnosioca zahtjeva. Na osnovu očitovanja Službe za prikupljanje prihoda od vodnih naknada od 24.10.2022. godine konstatovano je da podnosilac zahtjeva Tehnološki centar «E&P» d.o.o. Zavidovići redovno izmiruje svoje obaveze uplate posebnih vodnih naknada.

U skladu sa članom 12. stav (5) i (6) Pravilnika o sadržaju, obliku i uslovima i načinu izdavanja i čuvanja vodnih akata («Službene novine Federacije BiH», broj 31/15, 55/19, 41/20 i 63/22), izvršen je obilazak predmetnog površinskog kopa u naselju Mala Ribnica, grad Zavidovići te je sačinjen zapisnik o izvršenom uviđaju broj: UP-1/21-3-40-534-3/22 od 15.12.2022. godine.

Na osnovu dostavljene dokumentacije i izvršenog uviđaja na licu mjesta utvrđeno je sljedeće: Ležište dijabaza «Papratnica» se nalazi u neposrednoj blizini regionalnog puta Zavidovići – Vozuća – Ribnica – Banovići u dolini potoka Mala Ribnica na obroncima planine Konjuh odnosno na krajnjem sjeveroistočnom dijelu grada Zavidovići. Ovo područje graniči sa općinama Banovići i Kladanj. Uža zona ležišta se nalazi sa lijeve strane potoka Mala Ribnica koji se ulijeva u Ribnicu. Istražno eksploataciono polje zahvata površinu od 2,49ha i definisano je sljedećim koordinatnim tačkama:

Prelomne tačke	Y	X
B	6 535 329,07	4 911 091,04
1	6 535 313,98	4 910 979,28
2	6 535 570,97	4 910 979,36
3	6 535 563,17	4 911 058,09
D	6 535 531,43	4 911 114,34
C	6 535 526,12	4 911 067,18

Površinski kop ograničen je sa istočne i zapadne strane Planinskim potokom i potokom Željeva koji se ulivaju u Mala Ribnicu. U neposrednoj blizini kamenoloma «Papratnica», gdje se vrši iskop i odvajanje jalovine od dijabaza, na udaljenosti od oko 1,5km instalirano je postrojenje za separaciju tehničkog kamena dijabaza «Luke» sa pratećim objektima u vlasništvu podnosioca zahtjeva, Tehnološki centar «E&P» d.o.o. Zavidovići.

Svi radovi oko servisiranja, pranja ili održavanja mehanizacije koja se koristi za iskop kamena dijabaza na površinskom kopu se obavljaju u krugu obližnjeg postrojenja za separaciju «Luke» gdje se nalazi nadstrešnica sa radionicom, magacini za alat i maziva, pralište i prostor za tankovanje goriva.

Onečišćene vode nastale obaranjem prašine (u ljetnom periodu) zajedno sa oborinskim zamuljenim vodama sa platoa površinskog kopa «Papratnica» se sistemom obodnih kanala slijevaju u obližnji potok Mala Ribnica. Monitoring otpadnih voda se vrši redovno. Uz zahtjev dostavljen Izvještaj o monitoringu kvaliteta i kvantiteta otpadnih voda urađen u septembru 2022. godine od strane «TQM» d.o.o. Lukavac. Ispitivani parametri zadovoljavaju MDK utvrđene Uredbom o uslovima ispuštanja otpadnih voda u okoliš i sisteme javne kanalizacije

Za eksploataciju kamena dijabaza na predmetnom kamenolomu zaključen je Ugovor o koncesiji (sa Anexima) sa Ministarstvom za privredu Zeničko-dobojskog kantona na period od 30 godina.

Na osnovu dostavljene dokumentacije i uviđaja izvršenog na predmetnoj lokaciji, u svrhu smanjenja negativnih uticaja predmetnog objekta i aktivnosti na stanje voda i vodni režim, podnosiocu zahtjeva su ovom vodnom dozvolom u tački 2. dispozitiva Rješenja propisani uslovi kojih se dužan pridržavati prilikom korištenja objekta u skladu sa odredbama članova 53. i 116. Zakona o vodama i članova 12. i 13. Pravilnika o sadržaju, obliku, uvjetima načinu izdavanja i čuvanja vodnih akata i odredbama člana 3. tačka s) i člana 15. Uredbe o uslovima ispuštanja otpadnih voda u okoliš i sisteme javne kanalizacije. Tačka 3. dispozitiva Rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16) i Odlukom o visini posebnih vodnih naknada («Službene novine Federacije BiH», broj 46/07, 10/14 i 03/16).

Konstatuje se da je podnosilac zahtjeva, Tehnološki centar «E&P» d.o.o. Zavidovići, ispunio minimum uslova za izdavanje vodne dozvole za ispuštanje tehnoloških otpadnih voda u prirodni recipijent i za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku izvođenja radova na eksploataciji i preradi kamena dijabaza na lokalitetu površinskog kopa «Papratnica» Mala Ribnica, grad Zavidovići te je riješeno kao u dispozitivu ovog Rješenja.

Podnosilac zahtjeva uplatio je posebne troškove prema Zaključku ove Agencije broj: UP-1/21-3-40-534-2/22 od 25.10.2022. godine.

Podnosilac zahtjeva je uplatio upravnu taksu u iznosu od 70KM U skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10, 43/13 i 98/17).

Uputa o pravnom lijeku:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se predaje ovom organu neposredno ili preporučeno poštom. Žalba se taksira sa 15 KM administrativne takse prema tarifnom broju 3. Tarife federalnih administrativnih taksi.

Obrađivač akta:

Nermina Hodžić, dipl.ing.građ.

Po ovlaštenju
Rukovodilac sektora za izdavanje vodnih akata



Haris Ališehović, dipl.ing.građ.

Dostaviti:

- Tehnološki centar «E&P» d.o.o. Zavidovići
Mala Ribnica bb, 72220 Zavidovići
- AVP, ISV – Vodna knjiga
- Sektor 50,
- Sektor 40, arhiva
- oglasna ploča – AVP Sava